



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-447-5/23**
Datum: **10.01.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „HIFA - PETROL“ d.o.o. Sarajevo, za izdavanje vodne dozvole za promet opasnih materija kao i proizvoda od tih materija koje nakon upotrebe dospjevaju u vode i ispuštanje tehnoloških otpadnih voda sa prostora samouslužne autopraonice i servisa te oborinskih onečišćenih voda sa lokacije objekta benzinske pumpne stanice sa pratećim sadržajima, izgrađenog u naselju Mala Lisa, grad Cazin, na osnovu člana 109. stav (1) tačka 2. i 13. Zakona o vodama („Službene novine Federacije BiH“, broj 70/06) i člana 200. Stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „HIFA - PETROL“ d.o.o. Sarajevo, za promet opasnih materija kao i proizvoda od tih materija koje nakon upotrebe dospjevaju u vode te ispuštanje tehnoloških otpadnih voda sa lokacije samouslužne autopraonice i servisa te onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Mala Lisa, grad Cazin, na zemljištu označenom kao k.č. broj: 658/2 i 658/3 (podaci novog premjera), K.Č. Cazin, odnosno k.č. broj: 658/2 i 658/3 K.O. Cazin (podaci starog premjera), grad Cazin.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda niti za uređenje vodotoka Čajinog potoka, odnosno zacjevljenje korita te izgradnju lokalne saobraćajnice iznad istog, za čije je izdavanje nadležno Ministarstvo poljoprivrede i šumarstva Unsko-sanskog kantona, u skladu sa članom 139. stav (2) tačka 1., 2. i 6. Zakona o vodama, odnosno u skladu sa članom 17. stav (2) tačke 1., 2., 6., 8. i 9. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20 i 61/22).
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta benzinske pumpne stanice sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Skladištenje nafte i naftnih derivata vršiti u podzemnom dvoplašnom rezervoaru, ukupnog kapaciteta 100 m³.
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.5. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent – regulirano/zatvoreno korito Čajinog potoka, prema uvjetima datim od strane JU „KOMUNALNO STAMBENI FOND“ Cazin, kao upravitelja izvedenog dijela saobraćajnice iznad reguliranog korita.
 - 3.6. Da korisnik objekta uradi ispitivanje vodonepropusnosti izvedenih kanalizacionih sistema, od strane ovlaštenog pravnog lica te o istom sačini zapisnik.

- 3.7. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.9. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih i tehnoloških otpadnih voda, a prije ispuštanja u recipijent, zadovoljio granične vrijednosti emisije definisane u članu 14. i 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.10. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.11. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „HIFA - PETROL“ d.o.o. Sarajevo je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godina, od dana izdavanja ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, „HIFA - PETROL“ d.o.o. Sarajevo, obratilo se ovoj Agenciji dana 11.10.2023. godine zahtjevom, broj: 138-INV/23, zaprimljen dana 16.10.2023. godine, za izdavanje vodne dozvole za promet opasnih materija kao i proizvoda od tih materija koje nakon upotrebe dospjevaju u vode te ispuštanje tehnoloških otpadnih voda sa prostora samouslužne autopraonice i onečišćenih oborinskih voda sa lokacije objekta benzinske pumpne stanice izgrađenog u naselju Mala Lisa, grad Cazin, na zemljištu označenom kao k.č. broj: 658/2 i 658/3 (podaci novog premjera), K.O. Cazin, odnosno k.č. broj: 658/2 i 658/3 K.O. Cazin (podaci starog premjera), grad Cazin. U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra; izdan od strane Općinskog suda u Sarajevu pod brojem 065-0-Reg-23-000257, dana 27.09.2023. godine (ovjerena kopija),
- Uvjerjenje o poreznoj registraciji, izdano dana 23.02.2005. godine, od strane Federalnog ministarstva financija - finansija, Porezne uprave – Kantonalni ured SARAJEVO (ovjerena kopija),
- Uvjerjenje o registraciji/upisu u Jedinstveni registar obveznika indirektnih poreza, broj: 04/1-UPJR/1-3511-2/08, izdano od strane Uprave za indirektno – neizravno oporezivanje Bosne i Hercegovine, dana 20.05.2008. godine, u Banjaluci (ovjerena kopija),
- Kopija naloga za plaćanje upravne pristojbe,
- Izvještaj o monitoringu kvaliteta i kvantiteta otpadnih voda benzinske pumpe i autopraonice „HIFA PETROL“ Cazin; urađen od strane „Inspekt RGH“ d.o.o. Sarajevo pod brojem 52/23, dana 18.11.2023. godine (kopija),
- Radni zapisnik o radovima na pranju i čišćenju podzemnih rezervoara i/ili separatora na B.S. Broj: 39-04.23, urađen od strane Društva za proizvodnju, promet i usluge DELTA PETROL d.o.o. Kakanj, dana 27.04.2023. godine (kopija),
- Kopija rješenja, kojim se investitoru d.o.o. „HIFA-PETROL“ Sarajevo iz Sarajeva, daje odobrenje za izgradnju poslovnog objekta - benzinska pumpa sa pratećim sadržajima, u naselju Mala Lisa, Grad Cazin, spratnosti: POSLOVNI OBJEKAT 1: P (prizemlje), gabarita: 24,45 m x (11,1 m x 4,45 m), namjenski za prodavnicu i caffè, kancelarija, ostave, sanitarije i terasa, POSLOVNI OBJEKAT 2: P (prizemlje), gabariti: 28,49 m x 8,2 m / 7,04 m, namjenski za autopraonu (samouslužna), servis i kancelarija, OBJEKAT 3 – kavez za smještaj plinskih boca: gabarita: 2,92 m x 1,23 m, h=270 cm i NADSTRESICA: gabarita: 15,00 m x 20,35 m i h=5,95 m, na zemljištu označenom kao k.č. broj: 658/2 i 658/3 k.o. Cazin (podaci novog premjera), što po starom katastaraskom operatu predstavlja k.č. broj: 658/2 i 658/3 k.o. Cazin; izdano od strane Službe za urbanizam i zaštitu okoliša Općine Cazin pod brojem 04-23-1175/18, dana 11.04.2018. godine, u Czinu (kopija),
- Rješenje o vodnoj dozvoli; izdano od strane Agencije za vodno područje rijeke Save Sarajevo pod brojem UP-I/25-3-40-566-4/18, dana 09.11.2018. godine (kopija),
- Izjava o ispunjenosti minimalno tehnički uvjeta za rad prema šifri djelatnosti iz Standardne klasifikacije djelatnosti 47.30 Trgovina na malo motornim gorivima u specijaliziranim prodavnicama od 25.10.2018. godine (kopija),
- Rješenje, kojim se investitoru d.o.o. „HIFA PETROL“ Sarajevo iz Sarajeva daje upotrebna dozvola za izvršene radove na poslovnom objektu-benzinska pumpa sa pratećim sadržajima i to poslovni objekat 1-prizemlje namjenski za prodavnicu i caffè, kancelarija, ostave, sanitarije i terasu korisne površine 186,29 m², poslovni objekat 2 – prizemlje namjenski za autopraonu (samouslužna), servis i kancelarija korisne površine 196,95 m², objekat 3 – namjenski za smještaj plinskih boca korisne površine 4,92 m², nadstrešnicu ukupne korisne površine 297,70 m² i podzemni rezervoar korisne površine 48,96 m² /ukupne korisne površine 734,92 m²), izgrađen na parceli k.č. broj: 658/2 i 658/3 K.O. Cazin (novi premjer), što po starom katastarskom operatu predstavlja k.č. broj: 658/2 i 658/3 K.O. Cazin, u naselju Mala Lisa, Grad Cazin; izdano od strane Službe za urbanizam i zaštitu okoliša Grada Cazina pod brojem 04-23-4205/2018, dana 09.11.2018. godine, u Czinu (kopija),
- „Glavni projekat vanjske hidroinstalacije, snabdijevanje vodom, prikupljanje i tretman tehnoloških (industrijskih) otpadnih voda, oborinskih voda i fekalnih voda“, urađena od strane Preduzeća za inženjering, građevinarstvo, trgovinu i usluge „IBIS“ d.o.o. Zavidovići, pod brojem: 24-IB-6/17, aprila 2017. godine, u Zavidovićima, revidiranom od strane „ZAVOD ZA IZGRADNJU“ a.d. Banjaluka pod brojem: 10-24-4/17, dana 18.04.2017. godine, u Banjaluci, (na uvid),
 - Rješenje o prethodnoj vodnoj saglasnosti, kojim se investitoru „HIFA-PETROL“ d.o.o. Sarajevo daje prethodna vodna saglasnost za promet opasnih materija koje nakon upotrebe dopijevaju u vode i za ispuštanje oborinskih onečišćenih i tehnoloških otpadnih voda sa lokacije benzinske pumpe i samouslužne autopraonice sa pratećim sadržajima koja se planira graditi na zemljištu označenom kao k.č. 657/4, 658/2 i 658/3 K.O. Cazin, a u postupku pribavljanja urbanističke saglasnosti i okolinske dozvole; izdano od strane Agencija za vodno područje rijeke Save Sarajevo pod brojem UP-I/25-1-40-277-3/16, dana 27.05.2016. godine,
 - Rješenje o prethodnoj vodnoj saglasnosti, kojim se podnosiocu zahtjeva D.O.O. „HIFA-PETROL“ Sarajevo daje prethodna vodna saglasnost za zahvatanje vode do 10 l/s i ispuštanje sanitarnih otpadnih voda putem biološkog uređaja za prečišćavanje fekalnih otpadnih voda, poslovnog objekta – benzinske pumpe sa pratećim sadržajima, u naselju Mala Lisa, općina Cazin, na zemljištu označenom kao k.č. broj: 658/2, 658/3 i 657/4 k.o. Cazin (novi premjer); izdano od strane Službe za urbanizam i zaštitu okoliša Općine Cazin pod brojem 04-25-2953/16, dana 07.07.2016. godine, u Czinu,

- Lokacijska informacija za izgradnju poslovnog objekta – benzinska pumpa sa pratećim sadržajima; izdana od strane Službe za urbanizam i zaštitu okoliša Općine Cazin pod brojem 04-23-4491/16, dana 27.03.2017. godine, u Czinu.
- Zaključak o visini i roku za plaćanje posebnih troškova u postupku izdavanja vodnog akta; izdan od strane Agencije za vodno područje rijeke Save pod brojem UP-1/21-3-40-447-3/23, dana 26.10.2023. godine te kopija naloga za plaćanje za iste.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled izgrađenog poslovnog objekta benzinske pumpne stanice sa pratećim sadržajima i tom prilikom sačinjen zapisnik o uviđaju broj: UP-1/21-3-40-447-4/23 od 02.11.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Poslovni objekt benzinske pumpne stanice sa pratećim sadržajima „HIFA-PETROL“ d.o.o. Cazin, je izgrađen sa lijeve strane magistralne ceste M 4-2 (Cazin Srbijani – GP Maljevac), u naselju Mala Lisa, grad Cazin. Objekat se sastoji od nadstrešnice iznad aparata za istakanje goriva sa maloprodajnim mjestom, sanitarnim i upravnim prostorijama, objekta samouslužne autopraonice sa servisom, spremnika za gorivo, separatora ulja i masti, biološkog prečištača sanitarnih otpadnih voda, internih saobraćajnih i parkirnih površina te zelenila. Gorivo se dovozi autocisternama i pretače u ukopani dvoplašni spremnik, kapaciteta 100 m³ (u sekcijama 20, 30 i 50 m³) i spremnika za ukapljeni naftni plin, zapremine 10 m³. Sanitarne otpadne vode iz maloprodajnog objekta su kanizacionim cijevima sprovedene do biološkog prečištača, sa prelivom izvedenim u regulirano/zacijevljeno korito Čajinog potoka. Oborinske vode sa krovova su sistemom horizontalnih i vertikalnih oluka sprovedene do revizionih šahtova na tlu, a potom cijevnim sistemom odvedene do ispusta u regulirano/zacijevljeno korito Čajinog potoka. Oborinske vode sa manipulativnih površina, koje mogu da sadrže produkte naftnih derivata i suspendirane materije sa vozila u prometu istim, se nivelacijom terena slijevaju ka slivnicima i linijskim slivnim rešetkama te cijevnim sistemom odvođe do separatora ulja i masti na potreban tretman. Preliv iz separatora je izveden u regulirano korito Čajinog potoka, koji protiče uz predmetno zemljište. Oborinske vode sa betoniranih pretakališnih površina se nivelacijom istih ka linijskim slivnim rešetkama prikupljaju i odvođe do separatora ulja i masti na potreban tretman. Tehnološke otpadne vode, nastale u procesu pranja vozila na radnim boksovima, samouslužne autopraonice se slijevaju u slivne rešetke (centralno ugrađene na svakom boksu za pranje vozila, a u natrkivenom prostoru servisa je instaliran slivnik za prikupljanje otpadnih voda od eventualnog sapiranja radnih površina. U prethodnom upravnom postupku je utvrđeno da je za ugrađeni spremnik za skladištenje naftnih derivata priložen zapisnik o ispitivanju međuplašnog prostora te utvrđeno vlasništvo nad objektom. Na predmetnoj lokaciji je izvršena regulacija/zacijevljenje korita Čajinog potoka, preko kojeg je izveden dio planirane lokalne saobraćajnice, a preko koje je izveden izlaz sa manipulativni površina predmetnog objekta na magistralnu cestu. Predmetna aktivnost je u nadležnosti kantonalnog ministarstva poljoprivrede, vodoprivrede i šumarstva Unsko-sanskog kantona, i ista nije predmet ovog upravnog postupka. Isto tako, na predmetnoj lokaciji je izvršeno izmještanje dijela postojeće gradske vodovodne mreže te izmještanje predviđene trase kolektora planiranog kanizacionog sistema Grada Cazina, a sve prema uvjetima operatora sistema, JKP Vodovod d.o.o. Cazin. Navedena aktivnost nije predmet ovog upravnog postupka. Također je utvrđeno da je investitor priložio lokacijsku informaciju i projektnu dokumentaciju, na koju je vršena izmjena urbanističko-tehničkih uvjeta (nova lokacijska informacija i izmijenjena projektna dokumentacija prema novim uvjetima), tako da se gradnja ne vrši na k.č. broj: 657/4 K.O. Cazin. Izmijenjena projektna dokumentacija i lokacijska informacija:

- „Glavni projekat vanjske hidroinstalacije, snabdijevanje vodom, prikupljanje i tretman tehnoloških (industrijskih) otpadnih voda, oborinskih voda i fekalnih voda“, urađena od strane Preduzeća za inženjering, građevinarstvo, trgovinu i usluge „IBIS“ d.o.o. Zavidovići, pod brojem: 04-IB-6/18, januara 2018. godine, u Zavidovićima, revidiranom od strane „ZAVOD ZA IZGRADNJU“ a.d. Banjaluka pod brojem: 10-18-2/18, dana 09.02.2018. godine, u Banjaluci,
- lokacijska informacija za izmjenu urbanističko-tehničkih uslova datih u lokacijskoj informaciji broj: 04-23-4491/16 od 27.03.2017 za izgradnju poslovnog objekta - benzinska pumpa sa pratećim sadržajem; izdano od strane Službe za urbanizam i zaštitu okoliša općine Cazin pod brojem: 04-23-14644/17, dana 15.01.2018. godine, u Czinu, čiji je sastavni dio i prijedlog položajne skice prema zahtjevu broj: 04-23-14644/1 od 28.11.2017. godine,

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Na osnovu provedenog postupka konstatuje se da je podnosilac zahtjeva, „HIFA-PETROL“ d.o.o. Sarajevo, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

Prilog:

- „Glavni projekat vanjske hidroinstalacije, snabdijevanje vodom, prikupljanje i tretman tehnoloških (industrijskih) otpadnih voda, oborinskih voda i fekalnih voda“, urađena od strane Preduzeća za inženjering, građevinarstvo, trgovinu i usluge „IBIS“ d.o.o. Zavidovići, pod brojem: 24-IB-6/17, aprila 2017. godine, u Zavidovićima, revidiranom od strane "ZAVOD ZA IZGRADNJU" a.d. Banjaluka pod brojem: 10-24-4/17, dana 18.04.2017. godine, u Banjaluci

Po ovlaštenju
Rukovodilac sektora za izdavanje vodnih akata

Haris Ališehović
Haris Ališehović, dipl. inž. građ.

Dostaviti:

- „HIFA-PETROL“ d.o.o. Sarajevo, Hotonj bb, 71 320 Vogošća,
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava